

L.2.5887. zuo der kapellen kommen.
 dô was diu juncfrouwe genomen
 her úz dâ sî gevangen lac
 (wand ez was wol um mitten tac),
 und wârn ir in den stunden
 die hende gebunden,
 ir cleider von ir getân
 und niuwan ir hemde an verlân;
 und diu hurt was bereit
 s. 193 untz viur dar under geleit,
 unde stuont vrou Lûnete
 uf ir knien an ir gebete
 und bat got der sèle pflegn
 und hete sichs libes bewegn,
 dô sî sich missetrôste
 daz sî nû niemen löste,
 dô kom ir helfære,
 und was im vil swære
 ir laster unde ir arbeit
 die sî von sînen schulden leit.
 Ouch hete min her Iwein
 grôzen trôst ze den zwein,
 daz got und ir unschulde
 den gewalt niene dulde
 daz im iht missegienge,
 und daz in och vervienge
 der lewe sîn geverte
 daz er die magt ernerte
 nû gâhte er sêre mitten sporn;
 wand sî wäre verlorn,
 wär er iht langer gewesen.
 er rief und sprach fât genesn,

5150

5155

5160

5165

5170

5175